



**Wisconsin Medicaid
Txoj Phiaj Xwm Kev Yuav
(Purchase Plan, MAPP)
Phau Ntawv Qhia Siv Rau
Tus Neeg Siv Kev Pab Cuam**

Kev Pab Fab Lus

English

Call Member Services at 800-362-3002, 711, or 800-947-3529 (TTY) for translation or help understanding this handbook.

Spanish

Si necesita ayuda para traducir o entender este texto, por favor llame al teléfono 800-362-3002, 711 o 800-947-3529 (TTY).

Russian

Если вам не всё понятно в этом документе, позвоните по телефону 800-362-3002, 711 или 800-947-3529 (TTY).

Hmong

Yog xav tau kev pab txhais cov ntaub ntauv no kom Koj totaub, hu rau 800-362-3002, 711 los sis 800-947-3529 (TTY).

Hearing Impaired

For help to understand this document, please call TDD/TTY 800-291-2002.

Daim Ntawv Ceeb Toom Tsis Pub Muaj Kev Ntxub Ntxaug

Wisconsin Department of Health Services (Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) yuav ua raws li Tsoom Fwv Teb Chaws txoj cai lij choj hais txog pej xeeb cov kev muaj cai thiab yuav tsis pub muaj kev ntxub ntxaug raws haiv neeg, xim nqaij daim tawv, teb chaws xeeb txawm yug rau, hnuv nyoog, kev tsis taus, los sis poj niam txiv neej (nrog rau kev cim thawj qhia txog poj niam txiv neej thiab kev yeem sib deev), kev ntseeg ntuj, kev tsis taus, hnuv nyoog, cov kev ntseeg ua nom ua tswv, los sis kev ua paj los sis kev tawm tsam txog tej xwm txheej ntawm pej xeeb huab xwm cov cai hauv ib txoj kev pab dhau los. Lub Department of Health Services (Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) yuav tsis cais tawm tib neeg los sis koj txawv rau lawv vim yog haiv neeg, xim nqaij daim tawv, yug nyob lwm teb chaws, hnuv nyoog, kev tsis taus, los sis poj niam txiv neej.

Department of Health Services (Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv):

- Muab cov khoom pab thiab kev pab cuam dawb rau cov tib neeg muaj cov kev tsis taus kom sib txuas lus tau zoo nrog peb, xws li:
 - Cov kws txhais lus piav tes uas tsim nyog
 - Cov ntaub ntawv kev paub uas sau ua lwm tus qauv ntawv (sau ua tus ntawv loj, kaw ua suab lus, cov qauv ntawd hauv es lev taus niv uas tuaj yeem nkag mus siv tau, lwm hom qauv ntawv)
- Muab cov kev pab txhais lus pub dawb rau cov neeg uas nws thawj hom lus hais tsis yog Lus Askiv xws li:
 - Cov kws txhais lus uas tsim nyog
 - Cov ntaub ntawv uas sau ua lwm hom lus

Yog koj xav tau cov kev pab no, hu rau lub Department of Health Services (Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) (844-201-6870).

Yog koj ntseeg tias Department of Health Services (Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) muab tsis tau cov kev pab no los sis tau muaj kev ntxub ntxaug lwm yam rau koj vim yog haiv neeg, xim nqaij daim tawv, yug nyob lwm teb chaws, hnuv nyoog, kev tsis taus, los sis poj niam txiv neej (nrog rau kev cim thawj qhia txog poj niam txiv neej thiab kev yeem sib deev), kev ntseeg ntuj, kev tsis taus, hnuv nyoog, cov kev ntseeg ua nom ua tswv, los sis kev ua paj los sis kev tawm tsam txog tej xwm txheej ntawm pej xeeb huab xwm cov cai hauv ib txoj kev pab dhau los, koj zwm tau kev tsis txaus siab nrog: Department of Health Services, Nco ntsoov: Civil Rights Coordinator, 1 West Wilson Street, Room 651, PO Box 7850, Madison, WI 53707-7850, 608-267-4955, TTY: 711, Fev: 608-267-1434, dhscrc@dhs.wisconsin.gov. Koj yeej xa tau daim ntawv tsis txaus siab tim ntsej tim muag los sis los ntawm kev xa ntawv, fev los sis xa hauv email. Yog koj xav tau kev pab xa daim ntawv tsis txaus siab, Department of Health Services (Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) muaj tus thawj tswj xyuas pej xeeb cov cai yuav pab tau koj.

Dhau li no lawm koj tuaj yeem xa tau daim ntawv tsis txaus siab txog pej xeeb cov kev muaj cai mus rau U.S. Department of Health and Human Services (Teb Chaws Asmeskas Tuam Tsev Tswj Xyuas Kev Noj Qab Haus Huv thiab Tib Neeg), Office for Civil Rights (Chaw Lis Pej Xeeb Huab Hwm Cov Cai), xa hauv es lev taus niv los ntawm Office for Civil Rights (Chaw Lis Pej Xeeb Huab Hwm Cov Cai) Lub Vev Xaib Muab Kev Txuas Nkag Mus Rau Daim Ntawv Tsis Txaus Siab, uas muaj nyob rau ntawm <https://ocrportal.hhs.gov/ocr/smartscreen/main.jsf>, los sis los ntawm kev xa ntawv los sis hauv xov tooj ntawm:

U.S. Department of Health and Human Services
200 Independence Avenue, SW
Room 509F, HHH Building
Washington, D.C. 20201
1-800-368-1019, 800-537-7697 (TDD)

Cov foos sau txog kev tsis txaus siab yog muaj nyob ntawm

<https://www.hhs.gov/sites/default/files/ocr-60-day-frn-cr-crf-complaint-forms-508r-11302022.pdf>.

Cov Sob Teem

Txoj Phiaj Xwm Kev Yuav Medicaid (Medicaid Purchase Plan, MAPP)	5
Cov Txiaj Ntsig Uas Tau Txais Kev Pab Them	6
Kev Muaj Cai Tau Txais	7
Cov Cai Teev Tseg Raws Li Ncu Dav	7
Cov Cai Teeb Tseg Txog Fab Nyiaj Txiag.....	8
Kev thov	9
MAPP thiab Long-Term Care (Kev Saib Xyuas Ncu Sij Hawm Ntev).....	10
Txoj Cai Teeb Tseg Txog Kev Ua Hauj Lwm	11
Ua Hauj Lwm Yam Tsawg Kawg Ib Zaug Ib Hlis	12
Kev Sab Laj Txog Kev Noj Qab Haus Huv thiab Kev Ua Hauj Lwm.....	12
Cov Kev Zam Hauj Lwm.....	13
Cov Nqi Yuav Kev Tuav Pov Hwm	14
Kev Xam Koj Qhov Nqi Yuav Kev Tuav Pov Hwm Ib Hlis Ib Zaug.....	15
Kev Ua Cov Kev Them Nyiaj Nqi Yuav Kev Tuav Pov Hwm	16
Cov Kev Zam Nqi Yuav Kev Tuav Pov Hwm Ib Ncu Sij Hawm	17
Kev Tsis Them Cov Nqi Yuav Kev Tuav Pov Hwm.....	18
Cov Kev Them Rov Qab Nyiaj Nqi Them Tuav Pov Hwm.....	18
Kev Tshaj Tawm Cov Kev Hloov	19
Cov As Khauj Ywj Pheej	20
Cov As Khauj Rau Nyiaj Laus Uas Twb Muaj Lawm	22
Kev Rov Sau Npe Dua	23
Txuas Lus Rau Peb	24
Daim Ntawv Thov thiab Kev Muaj Cai Tau Txais	24
Cov Kev Pab Cuam Uas Tau Txais Kev Pab Them thiab Lwm Cov Lus Nug.....	24
Lub Vev Xaib	24
Daim Ntawv Teev Lus	25



Txoj Phiaj Xwm Kev Yuav Medicaid (Medicaid Purchase Plan, MAPP)

Txoj Phiaj Xwm Kev Yuav Medicaid (Medicaid Purchase Plan, MAPP) yuav muab kev pab them kev saib xyuas kev noj qab haus huv ntawm Medicaid rau cov neeg laus uas muaj kev xiam oob qhab uas tab tom ua hauj lwm thiab xav mus ua hauj lwm.

Cov txiaj ntsig kev pab ntawm MAPP zoo sib xws li cov rau Medicaid cov tswv cuab. **Dhau li no lawm, nrog rau MAPP koj tuaj yeem:**

- Khwv tau nyiaj los ntxiv thiab muaj cov khoom muaj nuj nqis ntau ntxiv yam uas tsis muaj kev pheej hmoo poob koj qhov kev pab them kev saib xyuas kev noj qab haus huv los sis kev pab them kev saib xyuas ncuaj sij hawm ntev.
- Txuag cov nyiaj khwv tau rau hauv Cov As Khauj Ywj Pheej, uas pab koj caum cuag koj cov hom phiaj ntiag tug thiab cov hom phiaj fab nyiaj txiag.

MAPP tsis yog txoj phiaj xwm kev noj qab haus huv ntawm tsev neeg. Yog tias koj ua tau raws li cov cai teeb tseg, ces koj tsuas yog tus neeg uas yuav tau txais kev pab them los ntawm MAPP xwb.

Cov Txiaj Ntsig Uas Tau Txais Kev Pab Them

- ◆ Cov kev mus ntsib kws kho mob
- ◆ Kev txhaj tshuaj tiv thaiv kab mob
- ◆ Kev saib xyuas kho mob hauv tsev kho mob
- ◆ Khoom siv rau fab kev kho mob
- ◆ Cov kev pab cuam kho pob ntseg hnov lus, uas suav nrog rau cov cuab yeej pab kev hnov lus
- ◆ Cov kev pab cuam ntawm chav kuaj mob thiab kev thaj duab hluav taws xob saib mob
- ◆ Kev thauj mus los rau cov kev pab cuam Medicaid
- ◆ Kev kho qhov muag pom kev, uas suav nrog rau cov tsom iav qhov muag
- ◆ Cov tshuaj raws ntawv sau yuav
- ◆ Cov kev pab cuam tawm phiaj xwm tsev neeg thiab cov khoom siv
- ◆ Kev kho kev hais lus
- ◆ Cov kev pab cuam kho kev noj qab haus huv fab siab ntsws
- ◆ Cov kev pab cuam kho hniav

Hu rau Lub Chaw Pab Cuam Tswv Cuab ntawm 800-362-3002 yog tias koj muaj lus nug hais txog cov kev pab cuam uas tau txais kev pab them.

Mus rau dhs.wi.gov/medicaid/mapp los nrhiav cov foos MAPP, cov lus nug uas nquag nug, thiab lwm yam ntxiv.





Kev Muaj Cai Tau Txais

Cov Cai Teev Tseg Raws Li Ncuav Dav

Txhawm rau sau npe rau hauv MAPP, koj yuav tsum:

- Muaj hnuv nyoog yam tsawg kawg 18 xyoo.
- Nyob rau hauv Wisconsin.
- Yog pej xeeb neeg ntawm Teb Chaws Meskas los sis neeg nkag teb chaws uas muaj kev tsim nyog.
- Muab koj tus nab npawb Xaus Saus los sis pov thawj tias koj tau thov rau ib qho.
- Yog tus neeg uas muaj kev xiam oob qhab raws li tau txiav txim los ntawm Lub Chaw Hauj Lwm Txog Kev Txiax Txim Kev Xiam Oob Qhab.
- Ua tau raws li txoj cai teeb tseg txog kev ua hauj lwm ntawm MAPP (saib nplooj ntawv **11**).
- Them tus nqi yuav kev tuav pov hwm ib hlis ib zaug, yog tias yuav tsum tau them (saib nplooj ntawv **14**).


Cov Cai Teeb Tseg Txog Fab Nyiaj Txiag

Koj qhov nyiaj khwv tau tom qab nrho tawm tej nuj nqis (thiab koj tus txij nkawm, yog tias koj muaj ib tug) yuav tsum muaj txog los sis qis dua 250% ntawm tsoom fww teb chaws qib kev pluag (FPL), saib raws li qhov coob - tsawg ntawm koj tsev neeg. Mus rau dhs.wi.gov/medicaid/fpl.htm los nrhiav cov lus qhia FPL tam sim no. Koj li nyiaj khwv tau los tom qab txiav se yog nyiaj khwv tau los ua ntej txiav se rho tawm qee cov nyiaj txiav se tawm.

Cov hom kev txiav tawm muaj xws li:

- Cov nqi nyiaj siv rau kev ua hauj lwm uas cuam tshuam txog kev tsis taus ntawm lub cev (IRWEs). Cov no yog cov nqi rau tej ub no los sis cov kev pab cuam uas koj yuav tsum tau siv rau kev ua hauj lwm vim koj qhov kev xiam oob qhab, uas suav nrog kev nruab, kev saib xyuas kho, thiab cov nqi kho uas tau cuam tshuam. Cov piv txwv: cov khoom cuab yeej pab kom hnov lus/pom kev, cov khoom pab kev ntaus ntawv, cov phiaj ntaus ntawv tshwj xeeb, cov tes-taw cuav, cov khoom pab rau kev nyeem ntawv, cov rooj zaum muaj log uas tau hloov kho, thiab kev hloov kho tsheb. Saib **Daim Ntawv Teev Lus** nyob rau hauv nplooj ntawv **25** rau ntaub ntawv kev paub ntxiv.
- Cov nqi nyiaj siv rau fab kev kho mob, kev kho qhov mob, thiab kev saib xyuas kho mob ncuaj sij hawm ntev uas yus yuav tau them yus rau koj thiab koj tus txij nkawm ntau tshaj li \$500 rau ib lub hli. Medicare, Medicaid, los sis lwm lub tuam txhab kev tuav pov hwm, los sis lwm tus neeg yuav tsis tuaj yeem them tau cov nqi nyiaj siv no.
- Nqi lov ntawm nyiaj khwv tau. Txhawm rau xam koj qhov nqi lov tawm ntawm nyiaj khwv tau, **1)** rho \$65 tawm ntawm koj qhov nyiaj khwv tau los ib hlis ib zaug uas koj tau txais los ntawm kev ua hauj lwm; **2)** muab qhov tshwm sim tawm los faib rau ob; tag ntawd ces, **3)** txhab ntxiv \$65.

- Koj cov khoom cuab yeej muaj nqis yuav tsum muaj txog qib \$15,000 los sis tsawg dua. Rau MAPP, suav koj tus kheej cov khoom muaj nuj nqis xwb, tsis yog koj tus txij nkawm li. Cov khoom muaj nqis uas suav rau MAPP muaj xws li nyiaj ntsuab, as khauj nyiaj tshev thiab as khauj nyiaj txuag, daim ntawv pov thawj ntawm kev tso nyiaj, cov nyiaj koom peev thiab daim ntawv cog lus txog nyiaj, qee cov cai ntawm qhov kev tuav pov hwm lub neej, qee qhov nyiaj xyoo, thiab qee cov khoom cuab yeej muaj nuj nqis npaj rau ntees tuag. Saib tshooj **Cov As Khauj Ywj Pheej** nyob rau hauv nplooj ntawv **20** rau ntaub ntawv kev paub ntxiv.






Koj tuaj yeem thov tau MAPP hauv oos lais los ntawm ACCESS. Nkag mus los sis tsim tus as khauj ntawm access.wi.gov.

Dhau li no lawm koj kuj tuaj yeem thov tau:

- **Los ntawm kev xa ntawv.** Daus lauj **Pob Ntawv Thov Ntawm Wisconsin Medicaid rau Cov Neeg Muaj Hnub Nyoog Siab, Dig Muag, los sis Xiam Oob Qhab (Wisconsin Medicaid for the Elderly, Blind, or Disabled Application Packet), F-10101** ntawm dhs.wi.gov/library/collection/f-10101.htm.
- Los ntawm koj lub **chaw sawv cev**, los ntawm **xov tooj**, los sis **tim ntsej tim muag**. Nrhiav koj lub chaw sawv cev ntawm dhs.wi.gov/im-agency.

Key thov





Tej zaum peb yuav xav tau lwm cov ntaub ntawv ntxiv dhau ntawm koj daim ntawv thov los saib seb koj puas tuaj yeem sau npe tau. Yog tias yog li ntawd, koj yuav tau txais ib tsab ntawv uas qhia koj txog yam uas yuav tsum tau muaj thiab lub sij hawm thaum uas nws tag sij hawm. Feem ntau lawm peb yuav thov rau cov ntaub ntawv uas qhia pom txog koj qhov nyiaj khwv tau los, cov khoom muaj nuj nqis, thiab cov kev ua ub ua no ntawm kev ua hauj lwm.

Raws li ib txwm lawm, peb tuaj yeem ua tau qhov kev txiav txim siab hais txog koj cov txiaj ntsig nyob rau hauv 30 hnuv. Yog tias koj tab tom tos kom Lub Chaw Hauj Lwm Txog Kev Txiav Txim Kev Xiam Oob Qhab los ua qhov kev txiav txim kev xiam oob qhab, ces tej zaum nws yuav siv sij hawm ntev zog. Dhau li no lawm tej zaum koj kuj yuav tsum tau them qhov nqi yuav kev tuav pov hwm txhawm rau sau npe.

Yog tias koj ua tau raws li MAPP txhua txoj kev cai, ces koj cov txiaj ntsig yuav pib nyob rau lub hli uas koj thov. Dhau li no lawm koj tuaj yeem thov tau kom koj cov txiaj ntsig MAPP pib ntxov zog lub hli uas koj thov. Qhov no yog hu ua kev pab them rov qab.

MAPP thiab Long-Term Care (Kev Saib Xyuas Ncuas Sij Hawm Ntev)

Txhawm rau kom tau sau sau npe rau hauv lub khoos kas saib xyuas ncuas sij hawm ntev rau neeg laus (Family Care, Family Care Partnership, IRIS, los sis PACE) koj kuj yuav tsum tau sau npe rau hauv thiab tseem muaj npe nyob rau hauv lub khoos kas saib xyuas kev noj qab haus huv Medicaid ntawm Wisconsin uas muab txij ntsig puv npo.

Txoj Phiaj Xwm Kev Yuav Medicaid (Medicaid Purchase Plan, MAPP) yog ib hom khoos kas saib xyuas kev noj qab haus huv Medicaid uas muab txiaj ntsig puv npo uas tso cai koj los sau npe rau hauv lub khoos kas saib xyuas ncuas sij hawm ntev. Yog tias koj sau npe rau hauv MAPP lawm, koj yuav tsum ua raws li lub khoos kas MAPP txhua txoj cai teeb tseg kom muaj npe nyob rau hauv. Uas suav nrog kev them koj qhov nqi yuav kev tuav pov hwm MAPP kom ncav sij hawm, yog tias koj tshuav ib qho tsis tau them.

Yog tias koj tau sau npe nyob rau hauv MAPP thiab lub khoos kas saib xyuas ncuas sij hawm ntev rau neeg laus (Family Care, Family Care Partnership, IRIS, los sis PACE) tib si lawm thiab koj tsis them koj qhov nqi yuav kev tuav pov hwm MAPP, ces koj tuaj yeem raug rho npe tawm ntawm koj lub khoos kas saib xyuas ncuas sij hawm ntev ib yam thiab.



Txoj Cai Teeb Tseg Txog Kev Ua Hauj Lwm

Muaj peb txoj hau kev uas koj tuaj yeem ua tau raws li txoj cai teeb tseg txog kev ua hauj lwm:

- Ua hauj lwm yam tsawg kawg ib zaug ib hlis.
- Sau npe rau hauv Kev Sab Laj Txog Kev Noj Qab Haus Huv thiab Kev Ua Hauj Lwm (HEC).
- Muaj qhov kev zam txoj cai teeb tseg txog kev ua hauj lwm.

Neeg ua hauj lwm pab dawb cov sij hawm ua hauj lwm yuav tsis zoo raws li txoj cai teeb tseg txog kev ua hauj lwm. Yog tias koj muaj lus nug hais txog txoj hau kev uas koj tuaj yeem ua tau raws li txoj cai teeb tseg txog kev ua hauj lwm, ces hu rau koj lub chaw sawv cev hauv zos.

Ua Hauj Lwm Yam Tsawg Kawg Ib Zaug Ib Hlis

Kev ua hauj lwm uas muaj cai tau txais muaj xws li:

- Kev muaj ib txoj hauj lwm uas koj tau txais nyiaj nqi ua hauj lwm los ntawm tus tswv hauj lwm.
- Kev uas yus ua yus lag luam uas khwv tau nyiaj rau koj yam tsawg kawg ib zaug ib hlis.
- Kev ua hauj lwm pauv zog, uas txhais tau tias koj muab qhov kev pab cuam rau qee tus neeg, thiab txhawm rau ua ib qhov kev pauj txiaj ntsig rov qab, lawv muab qhov khoom noj, cov khoom lag luam, los sis cov kev pab cuam rau koj (tsis yog nyiaj). **Cov piv txwv ntawm kev ua hauj lwm pauv zog muaj xws li:**
 - Kev ua hauj lwm tom tshav puam rau neeg zej zog txhawm rau pauv ib pluas mov noj.
 - Kev saib xyuas tus phooj ywg tus aub txhawm rau pauv lub tsev nyob uas tsis tau them nqi los sis tau txo nqi.



Kev Sab Laj Txog Kev Noj Qab Haus Huv thiab Kev Ua Hauj Lwm

HEC yog lub khoos kas ua ntej ua hauj lwm uas cai koj tau txais cov txiaj ntsig MAPP thaum uas koj nrhiav hauj lwm. Koj yuav ua txoj phiaj xwm kev nqis tes los pab koj nrhiav hauj lwm uas phim rau koj cov hom phiaj thiab cov kev txawj.

Kev sau npe yog muaj ciam txwv li cuaj lub hli uas muaj feem txuas tau sij hawm li peb lub hli. Tej zaum koj yuav tuaj yeem sau npe tau rau hauv HEC ob zaug nyob rau hauv ncuas sij hawm tsib lub xyoo. Yuav tsum muaj ncuas sij hawm yam tsawg kawg rau lub hli ncuas thaum xaus koj qhov kev sau npe thawj zaug thiab pib koj qhov kev sau npe thib ob.

Koj tuaj yeem daus lauj tau thiab luam tawm daim ntawv thov HEC nyob ntawm dhs.wi.gov/library/f-00004.htm. Los sis, txuas lus rau koj lub chaw sawv cev hauv zos txhawm rau thov daim ntawv theej tawm los sis hu rau lub khoos kas HEC tus neeg lis hauj lwm ntawm 866-278-6440 kom muab daim ntawv theej tawm xa tuaj rau koj nyob rau hauv kev xa ntawv.

Cov Kev Zam Hauj Lwm

Yog tias koj muaj teeb meem uas cuam tshuam rau kev noj qab haus huv uas ua rau koj ua hauj lwm tsis tau li ib ncuu sij hawm luv, ces tej zaum koj yuav tuaj yeem thov tau rau qhov kev zam kom tau nyob rau hauv MAPP ntev txog li rau lub hli yam uas tsis muaj kev ua hauj lwm. Qhov teeb meem uas cuam tshuam rau kev noj qab haus huv txhais tau tias yog koj li kev noj qab haus huv fab siab ntsws los sis fab lub cev ntaj ntsug ua rau koj tsis tuaj yeem mus ua tau hauj lwm los sis koom nrog rau HEC li ib ncuu sij hawm.

Txhawm rau thov qhov kev zam hauj lwm, koj yuav tsum muaj raug raws li cov kev cai no tag nrho:

- Tau sau npe rau hauv MAPP li rau lub hli sib law liag.
- Tam sim no muaj npe nyob rau hauv MAPP thiab tau them tej cov nqi yuav kev tuav pov hwm MAPP uas tseem tsis tau them nyob rau lub sij hawm thov.
- Npaj yuav rov mus ua koj txoj hauj lwm los sis muaj lub khoos kas HEC tsis pub dhau rau lub hlis tom ntej.
- Muab daim ntawv qhia los ntawm koj tus kws muab kev pab cuam fab kev kho mob ua pov thawj tias koj tsis tuaj yeem mus ua tau hauj lwm los sis koom nrog rau hauv lub khoos kas HEC vim qhov teeb meem uas cuam tshuam rau kev noj qab haus huv fab siab ntsws los sis fab lub cev ntaj ntsug. Dhau li no lawm daim ntawv qhia no tsim nyog sau hnuv tim uas koj muaj qhov teeb meem uas cuam tshuam rau kev noj qab haus huv thiab hnuv tim uas koj vam tias yuav rov qab zoo los li qub.
- Tsis tau txais kev zam los ntawm txoj cai teeb tseg txog kev ua hauj lwm ntev tshaj li 12 lub hli nyob rau hauv 36 lub hli dhau los.



Sau daim foos **Kev Zam Txoj Cai Teeb Tseg Txog Kev Ua Hauj Lwm Ntawm Txoj Phiaj Xwm Kev Yuav Medicaid (Medicaid Purchase Plan Work Requirement Exemption), F-10127**, uas tuaj yeem nrhiav pom nyob ntawm dhs.wi.gov/library/F-10127.htm, los thov qhov kev zam.

Koj yuav tsum tau them tej cov nqi yuav kev tuav pov hwm uas txog caij them thaum uas koj tau txais kev zam los ntawm txoj cai teeb tseg txog kev ua hauj lwm.



Cov Nqi Yuav Kev Tuav Pov Hwm

Cov tswv cuab MAPP feem ntau yuav tsum them tus nqi yuav kev tuav pov hwm ib hlis ib zaug kom thiaj tau txais qhov kev pab them kev saib xyuas kev noj qab haus huv. Peb yuav xa ib tsab ntawv tuaj rau koj yog tias koj yuav tsum tau them tus nqi yuav kev tuav pov hwm thiab qhia rau koj paub tias nws ntau npaum cas. Cov nqi yuav kev tuav pov hwm yog saib raws li koj tus kheej cov nyiaj khwv tau los thiab pib nyob rau \$25 rau ib lub hli.

Yog tias tag nrho koj qhov nyiaj hli ua ntej rho tawm nuj nqis rau ib tug neeg ntau tshaj 100% ntawm tsoom fww teb chaws qib kev pluag, koj yuav tau them qhov nqi yuav kev tuav pov hwm. Koj qhov nyiaj khwv tau los ua ntej rho tawm tej nuj nqi yog qhov nyiaj uas koj tau txais txhua lub hli ua ntej txiav se los sis cov nqi txiav tawm.

Tuaj yeem nrhiav tau tsoom fww teb chaws cov qib kev pluag nyob rau hauv lub Department of Health Services (Tuam Tsev Tswj Xyuas Kev Noj Qab Haus Huv) lub vev xaib ntawm dhs.wi.gov/medicaid/fpl.htm.

Kev Xam Koj Qhov Nqi Yuav Kev Tuav Pov Hwm Ib Hlis Ib Zaug

Qhov txuas mus no yog qhov piv txwv txog txoj hau kev xam qhov nyiaj nqi yuav kev tuav pov hwm rau qee tus neeg uas muaj nyiaj khwv tau los \$2,000 thiab qhov nqi nyiaj siv \$300 uas yog siv 2025 FPL:

Pib nrog rau koj qhov nyiaj khwv tau los ib hlis ib zaug ua ntej rho tawm tej nuj nqi	\$2,000
Rho tawm tej cov nqi nyiaj siv uas tau tso cai	- \$300
Qhov no yuav ua rau koj tau koj qhov nyiaj khwv tau los tom qab rho tawm tej nuj nqi	= \$1,700
Rho tawm qhov FPL rau qhov loj - me ntawm ib pawg	- \$1,304.17
Yog tias qhov tshwm sim tawm los tsawg tshaj ntxaiv, ces muab hloov mus ua ntxaiv.	= \$395.83
Muab sib npaug nrog rau 0.03	x 0.03
Qhov nyiaj nqi yuav kev tuav pov hwm txhab ntxiv saib raws li nyiaj khwv tau los	= \$11.87
Txhab ntxiv qhov nyiaj nqi yuav kev tuav pov hwm qib qis	+ \$25
Qhov nyiaj nqi yuav kev tuav pov hwm xam tag nrho ua ntej txav cov zauv seem	= \$36.87
Txav cov zauv seem nqis ua qhov nyiaj uas ze tshaj plaws	\$36

Koj qhov nqi yuav kev tuav pov hwm yuav hloov vim yog:

- Tsoom fwv teb chaws qib kev pluag hloov.
- Kev hloov hauv cov nyiaj khwv tau los sis cov nqi nyiaj siv.
- Cov kev tso nyiaj uas koj tso rau hauv koj Cov As Khauj Ywj Pheej. Yog tias ntau tshaj li 50% ntawm koj cov nyiaj khwv tau los ntawm ib lub xyoo hauv tej lub xyoo twg, qhov nqi raug nplua yuav raug txhab ntxiv rau koj qhov nqi yuav kev tuav pov hwm rau koj lub xyoo kev pab them tom ntej.

Yog tias koj qhov nyiaj khwv tau los sis koj cov nqi nyiaj siv nce los sis nqis tom qab ntsuas tau koj qhov nqi yuav kev tuav pov hwm, ces qhia rau koj lub chaw sawv cev ua ntej 10 hnuv txij li koj qhov kev hloov. Yog tias qhov kev hloov pauv muaj feem cuam tshuam tsis zoo rau koj qhov nqi yuav kev tuav pov hwm, ces koj yuav tau txais ib tsab ntawv uas muaj qhov nyiaj tshiab uas koj tshuav tsis tau them.

Keu Ua Cov Keu Them Nyiaj Nqi Yuav Keu Tuav Pov Hwm

Ua ntej koj tuaj yeem rau npe tau rau hauv MAPP, koj yuav tsum them tag nrho qhov nqi yuav keu tuav pov hwm rau lub hli tam sim no thiab cov nqi yuav keu tuav pov hwm rau tej lub hli uas muaj cai rov qab mus them uas tau thov.

Yog tias koj tshuav tsis tau them qhov nqi yuav keu tuav pov hwm, ces koj yuav tau txais ib tsab ntawv uas qhia rau koj paub txog txoj hau keu los them koj qhov nqi yuav keu tuav pov hwm MAPP thaum xub thawj thiab qhov nyiaj xam tag nrho uas txog caij them.

Tom qab them koj qhov nyiaj thaum xub thawj lawm, yuav tsum tau them cov nqi yuav keu tuav pov hwm kom ua ntej **hnuv tim 10 ntawm txhua lub hli**. Peb yuav xa daim ntawv qhia txog qhov nqi yuav keu tuav pov hwm tuaj rau koj ua ntej ua ib qhov keu ceeb toom kom nco. Dhau li no lawm peb kuj tuaj yeem xa tau ntawv ceeb toom los sis email ceeb toom tuaj koj yog tias koj pom zoo txais cov keu ceeb toom no.

Muaj ntau txoj hau keu uas koj tuaj yeem them tau koj qhov nqi yuav keu tuav pov hwm MAPP thaum xub thawj:

- Nyob rau hauv lub vev xaib ACCESS ntawm access.wi.gov nrog rau daim npav khes div, npav des npiv, as khauj nyiaj tshev, los sis as khauj nyiaj txuag.
- Los ntawm lub app xov tooj MyACCESS.
- Los ntawm keu xa koj daim ntawv qhia nyiaj nqi yuav keu tuav pov hwm uas muaj txhij txhua thiab daim tshev los sis daim ntawv them nyiaj hauv keu xa ntawv mus rau:

Medicaid Purchase Plan
P.O. Box 93187
Milwaukee, WI 53293-0187

Thaum koj them koj qhov nqi yuav keu tuav pov hwm xub thawj lawm, koj tuaj yeem teeb tau cov keu them nyiaj ib hlis ib zaug yam uas nws them nws.

- Keu teeb tsa cov keu them nyiaj uas rov tshwm sim dua nrog rau ACCESS AutoPay nyob ntawm access.wi.gov. Koj tuaj yeem them tau los ntawm daim npav khes div, npav des npiv, as khauj nyiaj tshev, los sis as khauj nyiaj txuag.



Lwm tus neeg, xws li tus tswv hauj lwm los sis tus neeg txheeb ze, tej zaum yuav them koj qhov nqi yuav keu tuav pov hwm rau koj.

Koj tseem muaj lub luag hauj lwm los ua kom ntseeg siab tias them chav sij hawm lawm.

- Koj tuaj yeem thov tau kom txiav qhov nyiaj tawm ntawm koj daim tshev them nyiaj hli uas yog **kev txiav nyiaj nqi ua hauj lwm**, yog tias koj tus tswv hauj lwm muab. Sau daim foos **Kev Txiav Nyiaj Nqi Ua Hauj Los Ntawm Tus Tswv Hauj Lwm Rau Nqi Yuav Kev Tuav Pov Hwm Ntawm Txoj Phiaj Xwm Kev Yuav Medicaid (Medicaid Purchase Plan Premium Employer Wage Withholding), F-13024**, uas tuaj yeem nrhiav tau ntawm dhs.wi.gov/forms/f1/f13024.pdf.
- Nrog rau **kev xa nyiaj hauv es lev taus niv** koj qhov nqi yuav kev tuav pov hwm ib hlis ib zaug yuav raug rho tawm yam uas nws rho nws los ntawm koj tus as khauj txab nyiaj. Saim daim foos **Kev Xa Nyiaj Hauv Es Lev Taus Niv Ntawm Tus Tswv Cuab/Tus Tswv Hauj Lwm Rau Nqi Yuav Kev Tuav Pov Hwm Ntawm Txoj Phiaj Xwm Kev Yuav Medicaid (Medicaid Purchase Plan Premium Member/Employer Electronic Funds Transfer), F-13023**, uas tuaj yeem nrhiav tau ntawm dhs.wi.gov/forms/f1/f13023.pdf.

Cov Kev Zam Nqi Yuav Kev Tuav Pov Hwm Ib Ncuaj Sij Hawm

Yog tias koj tshuav tsis tau them qhov nyiaj nqi yuav kev tuav pov hwm tab sis ntsib teeb meem kev them koj qhov nyiaj nqi yuav kev tuav pov hwm vim yog teeb meem kev muaj mob los sis xwm txheej nyuaj, ces tej zaum koj yuav tuaj yeem thov tau qhov kev zam ib ncuaj sij hawm rau koj qhov nqi yuav kev tuav pov hwm. Qhov kev zam ib ncuaj sij hawm txhais tau tias yog koj thov tsis them qhov nyiaj uas txog caij them ntev txog li 12 lub hli.

Cov piv txwv ntawm cov xwm txheej nyuaj muaj xws li tej cov nqi nyiaj siv uas xav tsis txog uas cuam tshuam rau hauj lwm, kev muaj qhov nqi nyiaj siv uas xav tsis txog uas tej zaum yuav siv li ob peb lub hli los them, los sis tsis tuaj yeem nrhiav tau neeg zov me nyuam.

Txhawm rau thov qhov kev zam ib ncuaj sij hawm rau koj qhov nqi yuav kev tuav pov hwm, sau **Daim ntawv thov rau Qhov Kev Zam Ib Ncuaj Sij Hawm rau koj Qhov Nqi Yuav Kev Tuav Pov Hwm ntawm Medicaid Purchase Plan (Txoj Phiaj Xwm Kev Yuav Medicaid) Vim Qhov Xwm Txheej Nyuaj, F-02603**, uas tuaj yeem nrhiav tau ntawm dhs.wi.gov/library/f-02603.htm.

Dhau li no lawm koj yuav tsum muab pov thawj txog tej yam uas ua rau nyuaj rau koj los them koj qhov nqi yuav kev tuav pov hwm MAPP. Piv txwv, yog tias koj muaj cov nuj nqis tsheb uas koj tsis npaj txog, ces koj tuaj yeem suav tau nrog daim ntawv tau txais nyiaj los ntawm khw muag tsheb. Thaum twg xa tag koj tsab ntawv lawm, koj lub koom haum yuav txiav txim ua ntej 30 hnub.





Kev Tsis Them Cov Nqi Yuav Kev Tuav Pov Hwm

Yog tias tsis tau them koj qhov nqi yuav kev tuav pov hwm ib hlis ib zaug, ces koj cov txiaj ntsig MAPP yuav xaus tshwj tsis yog tias muaj Qhov Kev Zam Nqi Yuav Kev Tuav Pov Hwm Ib Ncuaj Sij Hawm.


Koj tuaj yeem ceev tau koj qhov kev pab them yog tias:

- Tau ua koj qhov kev them nyiaj nqi yuav kev tuav pov hwm uas lig nyob rau los sis ua ntej hnuv kawg nkaus ntwam lub hli tom qab qhov nqi yuav kev tuav pov hwm txog caij them.
- Koj rov qab thov dua MAPP. Tej zaum yuav tsum tau them qhov nqi yuav kev tuav pov hwm rau lub hli MAPP uas rov qab thov dua.

Cov Kev Them Rov Qab Nyiaj Nqi Them Tuav Pov Hwm

Peb yuav them rov qab koj qhov nyiaj nqi yuav kev tuav pov hwm ib hlis ib zaug yog tias koj qhov nyiaj khwv tau los xam tag nrho tau nqis li los sis qis tshaj 100% ntwam tsoom fwv teb chaws qib kev pluag. Koj yuav tsum tshaj tawm qhov kev hloov pauv no nyob rau hauv 10 hnuv suav txij lub sij hawm uas tau muaj kev hloov pauv mus thiab muab pov thawj yog tias peb thov txhawm rau kom tau txais qhov nyiaj them rov qab.

Dhau li no lawm peb kuj yuav tawm qhov nyiaj them rov qab rau koj yog tias koj cia li tsis muaj cai tau txais los sis tau txais kev pom zoo rau qhov kev zam nqi yuav kev tuav pov hwm ib ncuaj sij hawm rau lub hli uas koj twb tau them rau lawm.





Kev Tshaj Tawm Cov Kev Hloov

Koj yuav tsum qhia rau koj lub chaw sawv cev hauv zos nyob rau hauv 10 hnuv tom qab tej cov kev hloov pauv hauv:

- Koj qhov chaw nyob los sis qhov chaw uas koj nyob
- Tus neeg uas nrog koj nyob
- Qib kev muaj txij nkawm
- Koj qhov nyiaj khwv tau los
- Koj qhov kev ua hauj lwm pauv zog
- Koj cov khoom cuab yeej muaj nqis uas tej zaum yuav ua koj dhau tshaj qhov ciam txwv khoom cuab yeej muaj nuj nqis \$15,000 rau MAPP
- Cov nqi nyiaj siv rau fab kev kho mob los sis kev kho qhov mob, uas suav nrog yog tias koj muaj qhov nqi nyiaj siv uas koj tau siv los them qhov nqi uas yus yuav tau them yus tab sis tam sim no MAPP tab tom them rau.
- Cov Nqi Nyiaj Siv Rau Kev Ua Hauj Lwm Uas Cuam Tshuam Txog Kev Tsis Taus Ntawm Lub Cev (IRWEs).



Cov As Khauj Ywj Pheej

Tus As Khauj Ywj Pheej yog ib tug as khauj nyiaj txiag uas tsis suav rau koj qhov ciam txwv khoom cuab yeej muaj nqis MAPP \$15,000. Qee cov piv txwv ntawm cov khoom cuab yeej muaj nuj nqis muaj xws li:

- Cov as khauj muaj nyiaj khaws cia, nyiaj tshev, nyiaj tso ua lag luam, daim ntawv pov thawj kev tso nyiaj, peev nyiaj sib koom ua ke, as khauj nyiaj koom peev los sis as khauj nyiaj qiv
- Cov as khauj IRA los sis Roth IRA
- Tej cov as khauj nyiaj laus los sis kev so noj nyiaj laus uas tau txais kev txhawb nqa lo ntawm tus tswv hauj lwm.

Cov As Khauj Ywj Pheej tso cai rau koj:

- Txuag nyiaj los ntawm cov nyiaj khwv tau los yam uas tsis plam koj li MAPP cov kev pab them nqi
- Txuag tau txog 50% ntawm koj cov nyiaj khwv tau los ua ntej rho tawm tej nuj nqi ntawm lub xyoo hauv tus as khauj.

Ntawm no yog qee cov kev cai uas koj yuav tsum tau paub:

- Koj tsuas tuaj yeem qhib tau Tus As Khauj Ywj Pheej thaum koj pom tias koj muaj npe nyob rau hauv MAPP xwb.
- Koj yuav tsum rau npe rau txhua Tus As Khauj Ywj Pheej nrog rau koj lub chaw sawv cev los ntawm kev sau daim foos **Kev Rau Npe As Khauj Ywj Pheej Ntawm Txoj Phiaj Xwm Kev Yuav Medicaid (Medicaid Purchase Plan (MAPP) Independence Account Registration), F-10121**, uas tuaj yeem nrhiav tau ntawm dhs.wi.gov/library/f-10121.htm.
- Koj yuav tsum yog tib tug tswv rau tej Cov As Khauj Ywj Pheej.
- Koj yuav tsum cais koj Cov As Khauj Ywj Pheej tawm ntawm lwm cov khoom cuab yeej muaj nuj nqis uas tuaj yeem suav tau.
- Koj muab tsis tau tus as khauj uas koj tsim ua ib Tus As Khauj Ywj Pheej coj mus ua nyiaj npaj rau ntees tuag.
- Koj tsis tuaj yeem tso tau cov nyiaj khwv tau los (uas tau txais los sis tsis tau txais) ua qhov nyiaj uas ntau tshaj li 50% ntawm koj qhov nyiaj khwv tau los uas tau txais ua ntej rho tawm tej nuj nqi ntawm lub xyoo uas xam tag nrho nyob rau ncuaj sij hawm 12 lub hli rau hauv koj Cov As Khauj Ywj Pheej. Yog tias koj tso nyiaj ntau tshaj qhov no, koj tus nqi yuav kev tuav pov hwm txhua hli yuav nce mus 12 lub hlis vim yog qhov kev raug nplua raws qhov nyiaj koj tau tso ntxiv.
- Yog tias koj tso nyiaj rau hauv Tus As Khauj Ywj Pheej (thiab tsis yog tus as khauj tso nyiaj cia rau yav laus) thaum koj tsis muaj npe nyob rau hauv MAPP, peb yuav suav tag nrho cov nyiaj hauv tus As Khauj Ywj Pheej ntawd rau koj qhov ciam txwv khoom cuab yeej muaj nqis \$15,000.

Cov As Khauj Rau Nyiaj Laus Uas Twb Muaj Lawm

Yog tias koj twb yeej muaj tus as khauj tso nyiaj cia rau yav laus los sis nyiaj laus thaum koj rau npe thov kev pab lawm, tej zaum koj yuav tuaj yeem rau npe tus as khauj ntawd ua Tus As Khauj Ywj Pheej tau. Li cas los xij, thawj qhov nyiaj nyob hauv tus as khauj yuav raug suav rau qhov ciam txwv khoom cuab yeej muaj nuj nqis \$15,000.

Tej cov nyiaj tso, nyiaj paj tshaj, peev ntsu los sis nyiaj faib uas txhab ntxiv tom qab tus as khauj so noj nyiaj laus los sis tus as khauj nyiaj laus rais los ua tus As Khauj Ywj Pheej yuav tau txais kev zam qhov ciam txwv khoom cuab yeej muaj nuj nqis \$15,000, mus kom ntev li ntev tau thaum uas lawv tseem sib sau ua ke thaum uas koj tseem muaj npe nyob rau hauv MAPP.

Dhau ntawm Cov As Khauj Ywj Pheej, muaj ob peb hom khoom cuab yeej muaj nuj nqis uas tsis suav rau MAPP. Piv txwv li, lub tsev uas koj nyob, koj cov khoom ntiag tug feem ntau, thiab lub tsheb uas koj siv rau kev thauj mus los.

Dhau li no lawm, tus as khauj Achieving a Better Life Experience (ABLE), yog tias koj muaj ib tug, yuav tsis suav rau qhov ciam txwv khoom cuab yeej muaj nuj nqis MAPP \$15,000.





Kev Rov Sau Npe Dua

Yog tias koj tau plam koj qhov kev pab them kev noj qab haus huv MAPP mus lawm, tej zaum koj yuav tuaj yeem rov qab sau npe dua tau nyob rau hauv qee xwm txheej:

- Yog tias koj plam cov txiaj ntsig kev pab ntawm MAPP vim yog koj tsev neeg qhov nyiaj khwv tau los nce siab tshaj 250% ntawm tsoom fww teb chaws qib kev pluag, ces koj tuaj yeem rov sau npe dua tau yog tias koj cov nyiaj khwv tau los rov poob nqis dua thiab koj tseem muaj raug raws lwm cov cai ntawm lub khoos kas tag nrho.
- Yog tias koj plam cov txiaj ntsig vim yog koj cov khoom cuab yeej muaj nuj nqis tshaj li qhov ciam txwv khoom cuab yeej muaj nuj nqis \$15,000, ces koj tuaj yeem rov sau npe dua tau yog tias koj cov khoom cuab yeej muaj nuj nqis rov qis dua \$15,000.
- Yog tias koj plam cov txiaj ntsig vim yog koj ua tsis tau raws li txoj cai teeb tseg rau kev ua hauj lwm mus ntxiv lawm, ces koj tuaj yeem rov sau npe dua tau thaum koom nrog qhov kev ua hauj lwm, muaj qhov kev zam txoj cai teeb tseg rau kev ua hauj lwm uas tau txais kev pom zoo, los sis tab tom koom nrog rau HEC.
- Yog tias koj qhov kev muaj cai tau txais xaus vim yog koj tsis them koj qhov nqi yuav kev tuav pov hwm ua ntej xaus lub hli tom qab nws txog cai them, ces hu rau koj lub chaw sawv cev hauv zos los nug txog kev rov sau npe dua rau hauv MAPP.

Txuas Lus Rau Peb

Daim Ntawv Thov thiab Kev Muaj Cai Tau Txais

Rau ntaub ntawv kev paub ntxiv hais txog kev thov rau MAPP, cov foos kev muaj cai tau txais, cov nqi yuav kev tuav pov hwm, los sis kev rau npe ntawm Cov As Khaub Ywj Pheej, hu rau koj lub chaw sawv cev hauv zos. Nrhiav koj lub chaw sawv cev ntawm dhs.wi.gov/im-agency.

Cov Kev Pab Cuam Uas Tau Txais Kev Pab Them thiab Lwm Cov Lus Nug

Rau ntaub ntawv kev paub hais txog cov kev pab cuam uas tau txais kev pab them, cov kws muab kev pab cuam, los sis lwm cov lus nug, hu rau Lub Chaw Pab Cuam Tswv Cuab ntawm 800-362-3002.

Lub Vev Xaib

Rau ntaub ntawv kev paub raws li ncuav dav, mus saib MAPP nplooj vev xaib ntawm dhs.wi.gov/medicaid/mapp.

Daim Ntawv Teev Lus

Chaw Sawv Cev

Koj lub chaw sawv cev yog lub khauj tim hauv zos los sis lub chaw ua hauj lwm rau Pab Pawg Neeg uas pab koj hais txog koj cov txiaj ntsig ntawm xeev. Koj lub chaw sawv cev muaj lub hauj lwm los sau koj npe rau hauv MAPP thiab rau npe koj Cov As Khauj Ywj Pheej.

Tsev neeg

Rau MAPP, tsev neeg yog tus neeg thov, tus neeg thov tus txij nkawm uas raug raws cai, thiab tej me nyuam uas nrog nyob, cov me nyuam uas yug, los sis cov me nyuam uas saws los tu uas nrog tus neeg thov nyob. Cov me nyuam uas niam tshiab-txiv tshiab koj los yuav tsis suav nrog rau hauv pab pawg tsev neeg rau MAPP.

Kev Sab Laj Txog Kev Noj Qab Haus Huv thiab Kev Ua Hauj Lwm (HEC)

Qhov no yog lub khoos kas muaj kev pom zoo los ntawm lub Department of Health Services (Tuam Tsev Hauj Lwm Ntsig Txog Kev Noj Qab Haus Huv) los pab koj tuav tswv yim kom koj caum cuag koj cov hom phiaj kev ua hauj lwm. Rau ntaub ntawv kev paub ntxiv, hu rau HEC tus neeg lis hauj lwm ntawm 866-278-6440.

Nqi Nyiaj Siv Rau Kev Ua Hauj Lwm Uas Cuam Tshuam Txog Kev Tsis Taus Ntawm Lub Cev (IRWE).

Qhov IRWE yog qhov nqi nyiaj siv rau cov khoom los sis cov kev pab cuam uas koj yuav tsum tau muaj los pab rau kev ua hauj lwm vim yog qhov kev tsis taus ntawm lub cev. Piv txwv li, yog tias yuav tsum tau muaj tus tsiaj pab cuam rau kev ua hauj lwm, qhov nqi tus tsiaj, kev cob qhia, los sis khoom noj, tuaj yeem raug xam tias ua IRWE. Lwm cov piv txwv ntawm IRWE muaj xws li cov khoom cuab yeej pab kom hnov lus/pom kev, cov khoom pab kev ntaus ntawv, cov phiaj ntaus ntawv tshwj xeeb, cov tes-taw cuav, cov khoom pab rau kev nyeem ntawv uas tau hloov kho, kev kho hloov lub tsheb (nrog rau nqi nruab, nqi tswj kom tsheb khiav zoo, thiab cov nqi kho uas tau cuam tshuam), thiab cov rooj zaum muaj log.

Koj them rau cov nqi nyiaj siv IRWE uas yus yuav tau them yus. Cov nqi ntawd raug rho tawm los ntawm koj qhov nyiaj khwv tau los ua ntej rho tawm tej nuj nqi ua ntej pev txiaj txim tias seb koj qhov nyiaj khwv tau los puas tshaj 250% FPL txhawm rau kom muaj cai tau txais MAPP. Dhau li no lawm pab rho cov IRWE tawm ntawm qhov nyiaj khwv tau los uas pab siv los teeb koj qhov nyiaj nqi yuav kev tuav pov hwm. Cov nqi nyiaj siv IRWE yuav txo tsawg tau koj qhov nqi yuav kev tuav pov hwm.

Cov As Khauj Ywj Pheej

Cov no yog cov as khauj nyiaj txiag uas koj qhib los sis cov as khauj tso nyiaj cia rau yav laus uas twb yeej muaj lawm uas raug zam qhov ciam txwv khoom cuab yeej muaj nqis \$15,000 rau MAPP. Cov as khauj ywj pheej pab ua rau koj txuag tau qee cov nyiaj los ntawm cov nyiaj khwv tau los yam uas tsis plam cov txiaj ntsig MAPP.

Kev Them Nyiaj Nqi Yuav Kev Tuav Pov Hwm Thaum Xub Thawj

Qhov no yog qhov nqi yuav kev tuav pov hwm puv rau thawj lub hli uas yuav tsum tau them ua ntej koj thiaj tuaj yeem sau npe tau rau hauv MAPP.

Txoj Phiaj Xwm Kev Yuav Medicaid (Medicaid Purchase Plan, MAPP)

Medicaid Purchase Plan (Txoj Phiaj Xwm Kev Yuav Medicaid) yog lub khoos kas uas pab ua rau cov neeg laus uas muaj kev xiam oob qhab uas tab tom ua hauj lwm los sis xav mus ua hauj lwm muaj lub hwm tsam los sau npe rau kev pab them kev saib xyuas kev noj qab haus huv.

Cov Nqi Nyiaj Siv Rau Fab Kev Kho Mob

Cov nqi nyiaj siv rau fab kev kho mob yog cov nqi nyiaj siv uas xam tias yuav tshwm sim, tau tshwm sim rau cov kev pab cuam los sis cov khoom lag luam uas tus kws kho mob uas muaj ntawv tso cai tau sau yuav los sis tau muab los kuaj mob, kho qhov mob, saib xyuas kho mob, los sis pov thaiv kab mob los sis kev kho mob uas muaj feem cuam tshuam tsis zoo rau tej feem twg ntawm lub cev. Cov no yog cov nqi nyiaj siv uas tus tswv cuab muaj lub luag hauj lwm los them thiab tsis tuaj yeem them tau los ntawm lwm lub chaw, xws li Medicare, Medicaid, tuam txhab tuav pov hwm muaj tswv ntiag tug, los sis tus tswv hauj lwm.

Cov piv txwv ntawm cov nqi nyiaj siv rau fab kev kho mob muaj xws li:

- Cov nqi them ua ntej thiab cov nqi sib koom them rau Medicaid, Medicare, thiab kev tuav pov hwm muaj tswv ntiag tug
- Cov nqi yuav kev tuav pov hwm kev noj qab haus huv
- Cov ntawv sau nqi rau cov kev pab cuam fab kev kho mob uas Wisconsin Medicaid tsis pab them rau

Tswv cuab

Tus tib neeg uas tau rau npe rau hauv MAPP.

Cov Nqi Nyiaj Siv Rau Kev Kho Qhov Mob

Cov nqi nyiaj siv rau kev kho qhov mob yog cov nqi cov kev pab cuam los sis cov khoom lag luam uas tau muab los txo qhov mob, kho qhov mob, los sis txo tus yam ntxwv fab kev kho mob los sis kev noj qab haus huv. Cov nqi nyiaj siv no yog tus tswv cuab lub luag hauj lwm them thiab yuav tsis tuaj yeem them tau los ntawm lwm lub chaw, xws li Medicaid, tuaj txhab tuav pov hwm muaj tswg ntiag tug, los sis tus tswv hauj lwm.

Cov piv txwv muaj xws li:

- Kev tswj xwm txheej
- Kev saib xyuas nruab hnub
- Kev hloov kho vaj tse kom mus los yooj yim
- Kev pab tu xyuas kom dim pa
- Kev saib xyuas ntawm tsev uas muab kev txhawb nqa
- Kev thauj mus los

Cov nqi nyiaj siv rau kev kho qhov mob tsis suav nrog rau cov kev pab cuam tsev nyob los sis chav nyob thiab nqi khoom noj.